



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Benedictio domus, à dæmone vexatæ, aut tempore pestis.

urn:nbn:de:hbz:466:1-41233

Dominum nostrum Iesum Christum. *Resp.* Amen.

Vers. Dominus vobiscum. *Resp.* Et cum spiritu tuo. *ut in Rubricis generalibus.*

Postea aspergit Baptisterium aquâ benedictâ.

Benedictio domus, à Dæmone vexatæ,
aut tempore pestis.

P *Arochus, domum benedicturus, primo patrem familias, cuius domus est, monebit ea, quæ de benedictione adiuu alibi demonstrata sunt; tum ipse, mane antequam benedictionem aggredietur, Missam celebrabit, in qua Orationem de Spiritu sancto dicet: Missaque celebrata, superpelliceo & stola violacea indutus, ad illius benedictionem procedet, adhibitis Clericis duobus, uno qui crucem, altero qui vasculum aquæ benedictæ cum aspergillo, feret, aliis item Sacerdotibus & Clericis, quos adhibere potest. Vbi ad domum venerit, in ejus primo vestibulo vel ingressu dicit, ut infra.*

Vers. Deus in adiutorium &c.

Vers. Dominus vobiscum. *Resp.* Et cum spiritu tuo.

Oremus.

Omnipotens sempiterne Deus, qui sacerdotibus tuis, præ ceteris, tantam gratiam contulisti, ut, quidquid in tuo nomine digne perfecteque ab iis agitur, à te fieri cre-

datur:

datur : quæsumus immensam clementiam tuam , ut, quod modò visitaturi sumus, visites, & quidquid benedicturi, bene ✠ dicas; & ad ea , quæ acturi sumus , dexteram tuæ potentiaë extendas : sintque ad nostræ humilitatis ingressum & introitum , Sanctorum tuorum meritis , fuga dæmonum , depulsio pestis , & Angeli pacis ingressus. Per Christum Dominum nostrum. *Resp.* Amen.

Deinde Sacerdos incipit Psalmos Graduales, & prosequitur, cum Clero aut choro, quinque primos; aquam benedictam aspergendo per loca domus.

Psal. 119. Ad Dominum, cum tribularer, clamavi, &c. Gloria Patri & Filio &c.

Psal. 120. Levavi oculos meos in montes, &c. Gloria Patri &c.

Psal. 121. Lætatus sum in his , quæ dicta sunt mihi; &c. Gloria Patri &c.

Psal. 122. Ad te , Domine , levavi oculos meos, &c. Gloria Patri &c.

Psal. 123. Nisi quia Dominus erat in nobis, &c. Gloria Patri &c.

Quibus finitis , dicit Sacerdos , stans in ipso limine aut vestibulo domus ,

Vers. Domine , exaudi orationem nostram. *Resp.* Et clamor noster ad te perveniat. *Vers.* Dominus vobiscum. *Resp.* Et cum spiritu tuo.

Oremus.

Domum tuam, Domine, clementer ingre-
dere ; & in tuorum tibi corda fidelium
perpetuam construe mansionem ; & præsta,
ut in hac domo, nulla malignorum spirituum
dominetur nequitia, nec contagio pestis. Per
Dominum nostrum. *Resp.* Amen.

*Deinde incipit ac dicit Psalmos sequentes ; & pro-
cedit, aspergendo iterum domus loca.*

Psal. 124. Qui confidunt in Domino, &c.
Gloria Patri &c.

Psal. 125. In convertendo Dominus capti-
vitatem Sion : &c. Gloria Patri &c.

Psal. 126. Nisi Dominus ædificaverit do-
mum, &c. Gloria Patri &c.

Psal. 127. Beati omnes, qui timent Domi-
num, &c. Gloria Patri &c.

Psal. 128. Sæpe expugnaverunt &c. Gloria
Patri &c.

Vers. Domine, exaudi orationem nostram.
Resp. Et clamor noster ad te perveniat. *Vers.*
Dominus vobiscum. *Resp.* Et cum spiritu
tuo.

Oremus.

Omnipotens sempiterne Deus, qui in
omni loco dominationis tuæ totus affi-
stis & totus operaris : adesto supplicationi-

bus

bus nostris; & hujus domus ædificatæ sis protector; ut nulla hic nequitia contrariæ potestatis obfistat, sed, virtute Spiritus sancti & operatione, fiat tibi hic purum servitium, & devota libertas existat. Per Dominum nostrum. *Resp.* Amen.

Post incipit Psalmum, De profundis, & prosequitur ipsum, & alios sequentes; & interim tertio aspergit domum aquâ benedictâ.

Psal. 129. De profundis clamavi ad te &c.

Psal. 130. Domine, non est exaltatum cor &c.

Psal. 131. Memento Domine David, &c.

Psal. 132. Ecce quam bonum & quam &c.

Psal. 133. Ecce nunc benedicite Dñm, &c.

Quibus completis, Sacerdos, stans in limine aut vestibulo domus, dicit:

Vers. Domine exaudi orationem nostram.

Resp. Et clamor noster ad te perveniat. Vers.

Dominus vobiscum. Resp. Et cum spiritu tuo.

Oremus.

A Desto, Domine, supplicationibus nostris; & hanc domum oculis tuæ pietatis illustra: descendat, super habitantes in ea, gratiæ tuæ larga bene ✠ dictio: ut, in his manufactis habitaculis cum salubritate manentes, ipsi tuum semper sint habitaculum. Per Dominum nostrum. *Resp.* Amen.

Deinde procedit ad primarium locum domus ; ubi sequens Euangelium legitur :

Vers. Dominus vobiscum. Resp. Et cum spiritu tuo. Vers. Lectio sancti Euangelii secundam Lucam. Resp. Gloria tibi Domine.

LUC. 19. A.

In illo tempore : Ingressus Iesus perambulabat Iericho. Et ecce vir nomine Zachæus : & hic princeps erat publicanorum, & ipse dives : & quærebat videre Iesum, quis esset : & non poterat præ turba, quia statura pusillus erat. Et præcurrens ascendit in arborem sycomorum ut videret eum : quia inde erat transiturus. Et cum venisset ad locum, suspiciens Iesus vidit illum, & dixit ad eum : Zachæe, festinans descende ; quia hodie in domo tua oportet me manere. Et festinans descendit, & excepit illum gaudens. Et cum viderent omnes, murmurabant, dicentes, quod ad hominem peccatorem divertisset. Stans autem Zachæus, dixit ad Dominum : Ecce, dimidium bonorum meorum, Domine, do pauperibus : & si quid aliquem defraudavi, reddo quadruplum. Ait Iesus ad eum : Quia hodie salus domui huic facta est : eò quod & ipse filius sit Abrahæ. Venit enim Filius hominis quærere, & salvum facere, quod perierat.

De-

Deinde benedicit incensum, in hunc modum :

Per intercessionem S. Michaëlis Archangeli, stantis à dextris altaris incensi, & omnium sanctorum Angelorum, incensum istud digneris, Domine, bene ✠ dicere, & in odorem suavitatis accipere. Per Christum Dominum nostrum. *Resp.* Amen.

Postea idem Sacerdos ponit incensum in thuribulo, & incensat loca domus, dicendo :

Incensum istud, à te benedictum, ascendat ad te, Domine ; & descendat super nos misericordia tua.

Finita incensatione, reversus in eundem primum locum, dicit :

Vers. Domine, exaudi orationem nostram. *Resp.* Et clamor noster ad te perveniat. *Vers.* Dominus vobiscum. *Resp.* Et cum spiritu tuo.

Oremus.

Visita, quæsumus Domine, habitationem istam ; & omnes insidias inimici ab ea longe repelle : & Angeli tui sancti habitent in ea, qui nos in pace custodiant : & benedictio tua sit super nos semper. Per Dominum nostrum. *Resp.* Amen.

Vers. Dominus vobiscum &c. *ut in Rubricis generalibus.*

Postre-

Postremo, Sacerdos benedicit domum & habitantes in ea, dicendo:

ET benedictio Dei omnipotentis, Patris ✠, & Filii ✠, & Spiritus ✠ sancti, descendat super hanc domum & omnes habitantes in ea, & maneat semper. *Resp.* Amen.

Benedictio Domorum, in Sabbatho sancto Paschæ, ad libitum facienda.

P Arochus, seu alius Sacerdos, superpelliceo & stolâ albâ indutus, cum ministro, deferente vas aquæ, ex benedictione Fontium ante perfusionem Chrismatis accepta, visitat domos suæ parochiæ, aspergens eas eâdem aquâ benedictâ. Ingressus domum, dicit: Pax huic domui, & omnibus habitantibus in ea.

Deinde, aspergens loca præcipua domus, & eos qui habitant in ea, dicit Antiphonam: Vidi aquam egredientem de templo à latere dextro, alleluja: & omnes, ad quos pervenit aqua ista, salvi facti sunt, alleluja, alleluja. *Psal.* Confitemini Domino, quoniam bonus: quoniam in sæculum misericordia ejus. Gloria Patri, & Filio, & Spiritui sancto. Sicut erat &c. & repetitur Antiphon. Vidi aquam &c. Deinde dicit *Vers.* Ostende nobis, Domine, misericordiam tuam, alleluja. *Resp.* Et salutare tuum da nobis, alleluja. *Vers.* Domine, exaudi oratio-

nem